

Platt in Brannenborch



Verein für Niederdeutsch im Land Brandenburg e.V. • Bahnhofstraße 1 • 16909 Wittstock
anerkannter Dachverband der niederdeutschen Sprachgruppe

11.09.2025

Leewe Lüüd, för de dat Hart platt schlöcht in den Heimatverband Mecklenburg-Vorpommern,

de Sproak is gaut un verbinn't Minschen tauhop - ok æwer Grenzen henwech. Uns platt-düütsche Sproak verbinnt Seiern Verein in M-V mit unsern Verein för Nedderdüütsch in dat Bunnesland Brannenborch. Nu sünd dat all ganze teigen Johr, dat wi tausooamen unnerwägens sünd. Un wi köenn säng`n, dat wi mit uns Vereine tau dat Plattdüütsche gaut afstimmt sünd. Lüüd, de tau unseren Verein dortauhörn, sünd bi de Plattdüütsch-Weeken bi Sei dorbi. So is de Pastersche Ute Eisenack ut Neuruppin mit Plattdüütsch in de Kirch in de Plattdüütsch-Weeken in M-V unnerwägens. Odder: Doris Meinke ut Prenzlau is inload't tau Termine in Ückerdüütsch. Bi den Dach von de Mudderspråk odder bi dat Dreeklang-Drepen in Prenzlau sünd ut Seiern Heimatverband M-V Lüüd tau uns nå Brannenborch föhrt. So geiht dat henn un her. Up de Buslinie von Rhinsberch (in Brannenborch) noa Mirow (in Mecklenburg) ward ümmer hoch - un plattdüütsch ansächt, wo de Bus anhollen deit, sowat hett Ute Eisenack up den Wech bröcht. Ok dat is Deil von uns Verbinnung, de lebennig is un sotoausoang`n kein Grenzen nich kennen deit. De Personen up de Referentenstell in Ferdinandshoff sünd för unsern Verein ümmer ne gaude Adress, wenn wi wat aftaustimmen hemm. In den Bunnsrat för Nedderdüütsch bringen Nadine Koop un Johanna Bojarra för M-V un Heidi Schäfer un Ute Eisenack för Brannenborch de Aufgaben engagiert vör, de hier in uns Vereine anstoahn.

In Mecklenburg giffit dat ein Nedderdüütsch – Botschaftersche. Siet Mai 2025 is Neele Hübner de junge Fru, de in Brannenborch dat Plattdüütsche bi uns landup un landaf vörstellen sall. Un nu täuwt uns Verein dorup, dat dat Kinnerbauk „Plattdüütsch mit Lütt Mariken“ von Marita un Johanna Bojarra ok bi uns in Brannenborch „lopen lihrt“.

Väl Gaudes wünschen wi för dissen Festdach un för de Taukunft.

Jörg Gehrmann, Vörsitter von den Verein för Nedderdüütsch in dat Bunnesland Brannenborch

Bahnhofstraße 1
16909 Wittstock
03394 4033517
mail@platt-in-brandenburg.de
www.platt-in-brandenburg.de

Vereinsvorsitzender:
Jörg Gehrmann

Spendenkonto:
MBS Potsdam
IBAN: DE82 1605 0000 1000 8670 01
BIC: WELADED1 PMB